

Broj: 01-04-13-01819/2023-16-2
Datum, 21.3.2023. godine

veza: 16-14-5-01780/2023

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primijeno: 23-03-2023			
Org. jed.	Broj	Priloga	Vrijednost
DS/11	-02-	74	123

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE BOSNE I HERCEGOVINE
ZASTUPNIČKI/PREDSTAVNIČKI DOM
TAJNIK/SEKRETAR
Hamdije Kreševljakovića br.3
71000 SARAJEVO

- N/r Gosp. Ivan Miličević, Tajnik
- N/r Gosp. Slaven Raguž, Zastupnik

BOSNA I HERCEGOVINA
FEDERACIJA BOSNE I HERCEGOVINE
SEKRETAR VLADE
Hamdije Čemerlića 2
71000 SARAJEVO

- N/r mr.sc. Edita Kalajdžić, Sekretar vlade

PREDMET: Odgovor na zastupničku inicijativu koju je uputio zastupnik gosp. Slaven Raguž

Poštovani,

U Federalnu upravu za inspeksijske poslove je dana 17.3.2023.godine zaprimljen akt broj: 05/1-02-74/23 Tajnika Zastupničkog/Predstavničkog doma Parlamenta Federacije BiH od 15.03.2023.godine, sa prilogom zastupničke inicijative gosp. Slaven Raguž i akt broj: 03-04-95-1/2023 Sekretara Vlade Federacije Bosne i Hercegovine od 16.03.2023.godine sa prilogom akta Tajnika Zastupničkog doma Parlamenta Federacije BiH i zastupničke inicijative gosp. Slaven Raguž koja glasi „Tražim hitan inspekcijski nadzor površinskog kopa Dimnjače rudnika lignita Gračanica, Gornji Vakuf Uskoplje, zbog klizišta i urušavanja tla s kojim su ugrožene obiteljske kuće (fotografije u prilogu).

Na osnovu navedenog, Federalna uprava za inspekcijske poslove, daje sljedeći odgovor i informacije o postupanju iz svoje nadležnosti:

Uvaženi zastupniče,

Federalni rudarski inspektori su dana 11.3.2023.godine izvršili vanredni inspekcijski nadzor rudarskih objekata, postrojenja, uređaja i instalacija subjekta nadzora Rudnika uglja "Gračanica" d.o.o. Gornji Vakuf - Uskoplje, sa sjedištem u Gornjem Vakufu-Uskoplje, ul. Humac b.b., općina Gornji Vakuf-Uskoplje, a na osnovu telefonske prijave od strane odgovornih lica Rudnika da je došlo do pojave klizanja unutar geoloških serija produktivnog bloka na kojem se izvode rudarski radovi na PK „Dimnjače“ (član 21. Zakona o rudarstvu Federacije BiH).

Istog dana sačinjen je zapisnik sa utvrđenim činjenicama, u kojem je između ostalog konstatovano da je 11.3.2023.godine u cca 04:10 sati došlo do klizanja kompletnih produktivnih masa unutar kopa odnosno sjeveroistočne strane. Elementi klizišta su da je došlo do pucanja produktivnih masa i njihovo pomjeranje po visini cca 30,0 m a po dužini i do cca 75,0 m koje su zaustavljene nekih cca 50,0 m do kontakta sa glavnim vodosabirnikom. Etaže koje su pretrpjele deformacije usljed klizanja su od E 620 do E 670. Tom prilikom su bile ugrožene dvije rudarske mašine i jedna trafostanica, od kojih su jedna rudarska mašina i jedna trafostanica već bile izvučene na sigurno. A svi radovi izvođeni unutar odobrenog eksploatacionog polja.

Na osnovu utvrđenih činjenica, u zapisniku na dan 11.3.2023.godine navedene usmeno izrečene mjere u cilju hitnog postupanja subjekta nadzora na sanaciji klizišta.

Dana 13.3.2023.godine Federalni rudarski inspektori su Rješenjem o otklanjanju nedostataka u propisanom roku izrekli šest upravnih mjera koje imaju izreku na koji način i u skladu sa kojim propisima i normativima treba poduzeti mjere i radnje u vezi sanacije klizišta i u kojim rokovima treba ih izvršiti.

Za pet upravnih mjera rok je sa danom prijema rješenja, dok je za jednu upravnu mjeru rok 31.3.2023.godine.

Na osnovu Vašeg zahtjeva za hitan inspekcijski nadzor površinskog kopa Dimnjače rudnika lignita Gračanica, Gornji Vakuf Uskoplje, zbog klizišta i urušavanja tla s kojim su ugrožene obiteljske kuće, Federalni rudarski inspektori su dana 20.3.2023.godine izvršili kontrolni inspekcijski nadzor i inspekcijski nadzor po Vašoj inicijativi.

Federalni rudarski inspektori su dana 20.3.2023. na osnovu kontrolnog inspekcijskog nadzora provjerili postupanje subjekta nadzora po Rješenju od 13.3.2023.godine te utvrdili da je subjekt izvršio pet upravnih mjera, a da je u toku otklanjanje jedne upravne mjere za koju je ostavljen rok do 31.3.2023.godine, o čemu je sačinjen zapisnik.

Federalni rudarski inspektori su postupajući po Vašoj inicijativi dana 20.3.2023. godine ponovo proveli postupak utvrđivanja činjenica iz Vašeg zahtjeva sačinjavajući zapisnik te su utvrdili sljedeće: Inspektori već bili u nadzoru 11.3.2023.godine utvrđene činjenice i poduzete mjere i radnje kao u gornjem tekstu.

Utvrđeno da se rudarski radovi vrše između ostalog i na osnovu:

- okolinskih dozvola i akata izdatih od strane nadležnog Federalnog ministarstva okoliša i turizma,
- Vodne dozvole izdate od Agencije za vodno područje rijeke Save,
- Prava za eksploataciju i rudarskih dozvola za izvođenje radova i dozvola za upotrebu rudarskih objekata, postrojenja i uređaja izdatih od nadležnog Federalnog ministarstva energije, rudarstva i industrije.

Takođe utvrđeno granice posjeda između RU „Gračanica“ d.o.o. – Gornji Vakuf – Uskoplje i privatnih parcela i objekata koje Vi prikazujete na prilogu i to:

- Nalaz vještaka predmet utvrđena Identifikacija parcela: Parcela označena kao k.p. 39/1 – novi premjer zvana „rosulja“ po kulturi oranica u površini od 1779 m² upisana u posjedovni list br. 255 k.o. Pajić polje, Posjednik upisan G.A.A. sa 1/1 dijela. Na terenu na parceli k.p. 39/1 postoji stambeni objekat koji ima građevinsku dozvolu br. 06/8-23-1693/14 od 10.12.2014. godine., Parcela označena kao k.p. 67 – novi premjer zvana „vučipolje“ po kulturi oranica u površini od 965 m² upisana u posjedovni list br. 255 k.o. Pajić polje, posjednik upisan G.A.A. sa 1/1 udjela.

- Dat na uvid Kupoprodajni ugovor između Kupca: RU Gračanica d.o.o. Gornji Vakuf – Uskoplje i Prodavca: I.G., broj: OPU-IP:150/2019. Godine, kojim se dokazuje kupovina ranije navedenih parcela,

- Geodetskim snimkom utvrđeno da su svi rudarski radovi, klizište, navedena kuća u granicama posjeda rudnika, te da nema ugroženih stambenih i pomoćnih objekata mještana.

Utvrđeno je da pojava klizišta unutar produktivnog dijela PK Dimnjače je došla po zonama dva karakteristična rasjeda unutar površinskog kopa, a jedan od uzroka ovakvog klizišta jeste u obilnim kišnim padavinama u periodu od 09.03.2023. godine do 11.03.2023.godine.


U cilju potpune provjere dali ima ugroženosti obiteljskih kuća i privatnih parcela Federalni rudarski inspektori otišli su izvan obuhvata klizišta i dalje prema najbližoj kući u kojoj žive mještani na parceli na k.p. 68, gdje nisu konstatovani nikakvi problemi u vezi istog što je mještatinin i potvrdio. Ono što je navedeno jesu problemi prašine u ljetnim mjesecima usljed izvođenja rudarskih radova.

Federalni rudarski inspektori će nastaviti sa kontrolom postupanja subjekta nadzora u toku redovnih i/ili vanrednih nadzora, te će u skladu sa utvrđenim činjenicama i poduzimati odgovarajuće mjere, sa posebnim naglaskom na obaranje prašine u ljetnom periodu, a što je obaveza subjekta nadzora po propisima za površinsku eksploataciju mineralnih sirovina.

S poštovanjem.

AKT SAČINIO:

Glavni federalni rudarsko, termo
i elektro-energetski inspektor


Dr. sci. Ferid Osmanović

Dostavljeno:

- 3 x Naslovu
- 1 x Evidencija
- 1 x Arhiva



Direktor


Mr. Anis Ajdinović